0.0.1 pathamasañcetanika suttam

- 1. nāhaṃ bhikkhave sancetanikānaṃ kammānaṃ katānaṃ upacitānaṃ appaţisaṃviditvā vyantībhāvaṃ vadāmi. tanca kho diṭṭhe va dhamme upapajje¹ vā apare vā pariyāye. na tve vāhaṃ bhikkhave sancetanikānaṃ kammānaṃ katānaṃ upacitānaṃ appaṭisaṃviditvā dukkhassantakiriyaṃ vadāmi.
- 2. tatra bhikkhave tividhā kāyakammanta sandosabyāpatti akusalasañcetanikā dukkhudrayā dukkhavipākā hoti. catubbidhā vacīkammanta sandosabyāpatti akusalasañcetanikā dukkhudrayā dukkhavipākā hoti. tividhā mano kammanta sandosabyāpatti akusalasañcetanikā dukkhudrayā dukkha vipākā hoti.
- **3.** kathañca bhikkhave tividhā kāyakammanta sandosabyāpatti akusalasañcetanikā dukkhudrayā dukkhavipākā hoti:
- **4.** idha bhikkhave ekacco pāṇātipātī hoti luddo lohitapāṇī hatapahate niviṭṭho adayāpanno sabbapāṇabhūtesu.
- 5. adinnādāyī hoti. yam tam parassa paravittūpakaraņam gāmagatam vā araññagatam vā adinnam theyyasankhātam ādātā hoti.

¹upapajjam vā - sī. mu. machasam

- 6. kāmesu micchācārī hoti, yā tā māturakkhitāpiturakkhitā mātāpiturakkhitā bhāturakkhitā bhaginīrakkhitā ñātirakkhitā gottarakkhitā dhammarakkhitā sassāmikā saparidandā antamaso mālāgulaparikkhittāpi tathārūpāsu cārittam āpajjitā hoti.
- evam kho bhikkhave tividhā kāyakammanta sandosabyāpatti akusalasañcetanikā dukkhudrayā dukkhavipākā hoti.
- kathañca bhikkhave catubbidhā vacī kammanta sandosabyāpatti akusalasañcetanikā dukkhudrayā dukkha vipākā hoti.
- 9. idha bhikkhave ekacco musāvādī hoti, sabhāgato vā parisagato vā² ñātimajjhagato vā pūgamajjhagato vā rājakulamajjhagato vā abhinīto sakkhiputtho, "ehambho purisa yam jānāsi tam vadehī"ti. so ajānam vā āha 'jānāmī'ti. jānam vā āha 'na jānāmi' ti. apassam vā āha, 'passāmī'ti, passam vā āha, 'na passāmī'ti. iti attahetu vā parahetu vā āmisakiñcikkhahetu vā sampajānamusā bhāsitā hoti.
- 10. pisunavāco hoti. ito sutvā amutra akkhātā imesam bhedāya, amutra vā sutvā imesam akkhātā amūsam bhedāya. iti samaggānam vā bhettā, bhinnānam vā anuppadātā vaggārāmo vaggarato vagganandi vaggakaranim vācam bhāsitā hoti.

²sabhagagato vā parisagagato vā - machasam

- 11. pharusavāco hoti, yā sā vācā andakā kakkasā parakatukā parābhisajjanī kodhasāmantā asamādhisamvattanikā, tathārūpim vācam bhāsitā hoti.
- samphappalāpī hoti, akālavādī abhūtavādī anatthavādī adhammavādī avinayavādi anidhānavatim vācam bhāsitā hoti akālena anapadesam apariyantavatim anatthasamhitam.
- 13. evam kho bhikkhave catubbidhā vacīkammanta sandosabyāpatti akusalasañcetanikā dukkhudrayā dukkhavipākā hoti.
- kathañca bhikkhave tividhā manokammanta sandosabyāpatti akusalasañcetanikā dukkhudrayā dukkhavipākā hoti.
- 15. idha bhikkhave ekacco abhijihālū hoti, vam tam parassa paravittūpakaraņam tam abhijihitā hoti: aho vata vam³ parassa tam mamassā"ti.
- 16. vyāpannacitto hoti padutthamanasamkappo 'ime sattā haññantu vā bajjhantu vā ucchijjantu vā vinassantu vā mā vā ahesunti.

³vatāvam - sīmu.

- 17. micchādiţṭhiko hoti viparītadassano, natthi dinnam natthi yiṭṭham, natthi hutam, natthi sukaṭadukkaṭānam kammānam phalam vipāko, natthi ayam loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā samaggatā sammāpaṭipannā ye imañca lokam parañca lokam sayam abhiññā sacchikatvā pavedentīti.
- **18.** evam kho bhikkhave tividhā manokammanta sandosabyāpatti akusalasañcetanikā dukkhudrayā dukkhavipākā hoti.
- 19. tividha kāyakammanta sandosabyāpatti akusalasañcetanikā hetu vā bhikkhave, sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. catubbidha vacīkammanta sandosabyāpatti akusalasañcetanikā hetu vā bhikkhave, sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. tividha manokammanta sandosabyāpatti akusalasañcetanikā hetu vā bhikkhave, sattā kāyassa bhedā parammaraṇā apāyaṃ duggatiṃ vinipātaṃ nirayaṃ upapajjanti.
- 20. seyyathāpi bhikkhave apaṇṇako maṇi uddhaṃ khitto yena yeneva patiṭṭhāti, suppatiṭṭhitāyeva patiṭṭhāti, evameva kho bhikkhave tividha kāyakammanta sandosabyāpatti akusalasañcetanikā hetu vā sattā kāyassabhedā parammaraṇā apāyaṃ duggatiṃ vinipātaṃ nirayaṃ upapajjanti. catubbidha vacīkammanta sandosabyāpatti akusalasañcetanikāhetu vā sattā kāyassa bhedā

parammaraṇā apāyaṃ duggatiṃ vinipātaṃ nirayaṃ upapajjanti. tividha manokammanta sandosabyāpatti akusalasañcetanikāhetu vā sattā kāyassa bhedā parammaraṇā apāyaṃ duggatiṃ nirayaṃ upapajjanti.

- 21. nāhaṃ bhikkhave sañcetanikānaṃ kammānaṃ katānaṃ upacitānaṃ vyantībhāvaṃ vadāmi. tañca kho diṭṭhe va dhamme upapajje vā apare vā pariyāye. na tvevāhaṃ bhikkhave sañcetanikānaṃ kammānaṃ katānaṃ upacitānaṃ appaṭisaṃviditvā dukkhassa antakiriyaṃ vadāmīti.
- 22. tatra bhikkhave tividhā kāyakammanta sampatti kusalasañcetanikā sukhudrayā sukhavipākā hoti, catubbidhā vacīkammanta sampatti kusalasañcetanikā sukhudrayā sukhavipākā hoti, tividhā manokammanta sampatti kusalasañcetanikā sukhudrayā sukhavipākā hoti.
- **23.** kathañca bhikkhave tividhā kāyakammanta sampatti kulasañcetanikā sukhudrayā sukhavipākā hoti.
- **24.** idha bhikkhave ekacco pāṇātipātaṃ pahāya pāṇātipātā paṭivirato hoti, nihitadaṇḍo nihitasattho, lajjī dayāpanno sabbapāṇabhūtahitānukampī viharati.
- **25.** adinnādānam pahāya adinnādānā paṭivirato hoti, yam tam parassa paravittūpakaranam gāmagatam vā

araññagatam vā, na tam adinnam theyyasankhātam ādātā hoti.

- 26. kāmesu micchācāram pahāya kāmesu micchācārā paţivirato hoti. yā tā māturakkhitā, piturakkhitā, mātāpiturakkhitā, bhāturakkhitā bhaginīrakkhitā, ñātirakkhitā, gottarakkhitā, dhammarakkhitā, sassāmikā saparidandā antamaso mālāgulaparikkhittāpi, tathārūpāsu na cārittam āpajjitā hoti.
- **27.** evam kho bhikkhave tividhā kāyakammanta sampatti kusalasancetanikā sukhudrayā sukhavipākā hoti.
- **28.** kathañca bhikkhave catubbidhā vacīkammanta sampatti kusalasañcetanikā sukhudrayā sukha vipākā hoti:
- 29. idha bhikkhave ekacco musāvādam pahāya musāvādā paṭivirato hoti. sabhāgato vā parisagato vā ñātimajjhagato vā pūgamajjhagato vā rājakulamajjhagato vā abhinīto sakkhipuṭṭho ''ehambho purisa, yam jānāhi, tam vadehī''ti. so ajānam vā āha: 'na jānāmī'ti. jānam vā āha, 'jānāmī'ti, apassam vā āha 'na passāmī'ti. passam vā āha, 'passāmī'ti. iti attahetu vā parahetu vā āmisakiñcikkhahetu vā na sampajānamusā bhāsitā hoti.
- **30.** pisunam vācam pahāya pisunāya vācāya paṭivirato hoti. na ito sutvā amutra akkhātā imesam bhe-

dāya, amutra vā sutvā imesam akkhātā amūsam bhedāya, iti bhinnānam vā sandhātā sahitānam vā anuppadātā samaggārāmo samaggarato samagganandī samaggakaranim vācam bhāsitā hoti.

- 31. pharusam vācam pahāya pharusāya vācāya paţivirato hoti. yā sā vācā neļā kaṇṇasukhā pemaṇīyā hadayaṅgamā porī bahujanakantā bahujanamanāpā tathārūpim vācam bhāsitā hoti.
- **32.** samphappalāpam pahāya samphappalāpā paṭivirato hoti. kālavādī bhūtavādī atthavādī dhammavādī vinayavādī nidhānavatim vācam bhāsitā hoti, kālena sāpadesam pariyantavatim atthasamhitam.
- **33.** evam kho bhikkhave catubbidhā vacīkammanta sampatti kusalasañcetanikā sukhudrayā sukhavipākā hoti.
- **34.** kathañca bhikkhave tividhā manokammanta sampatti kusalasañcetanikā sukhudrayā sukhavipākā hoti:
- **35.** idha bhikkhave ekacco anabhijjhālū hoti, yaṃ taṃ parassa paracittūpakaraṇaṃ, taṃ anabhijjhitā hoti, "aho vata yam parassa tam mama assā"ti.
- **36.** abyāpannacitto hoti appaduṭṭhamanasaṅkappo, 'ime sattā averā hontu avyāpajjā anīghā sukhī attānaṃ pariharantu''ti.

- 37. sammādiţţhiko hoti aviparītadassano, 'atthi dinnam atthi yiţţham, atthi hutam, atthi sukaţadukkaţānam kammānam phalam vipāko, atthi ayam loko, atthi paro loko, atthi mātā, atthi pitā, atthi sattā opapātikā, atthi loke samanabrāhmanā sammaggatā, sammā paṭipannā, yo imañca lokam parañca lokam sayam abhiñnā sacchikatvā pavedentī'ti.
- **38.** evam kho bhikkhave tividhā manokammanta sampatti kusalasancetanikā sukhudrayā sukhavipākā hoti.
- 39. tividhakāyakammanta sampatti kusalasañcetanikā hetu vā bhikkhave sattā kāyassa bhedā parammaraṇā sugatiṃ saggaṃ lokaṃ upapajjanti. catubbidha vacīkammanta sampatti kusalasañcetanikā hetu vā bhikkhave sattā kāyassa bhedā parammaraṇā sugatiṃ saggaṃ lokaṃ upapajjanti. tividha manokammanta sampatti kusalasañcetanikā hetu vā bhikkhave sattā kāyassa bhedā parammaraṇā sugatiṃ saggaṃ lokaṃ upapajjanti.
- 40. seyyathāpi bhikkhave apaṇṇako maṇi uddhaṃ khitto yena yeneva patiṭṭhāti suppatiṭṭhitaṃ yeva patiṭṭhāti. evameva kho bhikkhave tividha kāyakammanta sampatti kusalasañcetanikā hetu vā sattā kāyassa bhedā parammaraṇā sugatiṃ saggaṃ lokaṃ upapajjanti. catubbidhavacīkammanta sampatti kusalasañcetanikā hetu vā sattākāyassa bhedā parammaraṇā sugatiṃ saggaṃ lokaṃ upapajjanti. tividha manokammanta sampatti

kusalasañcetanikā hetu vā sattā kāyassa bhedā parammaraṇā sugatim saggam lokam upapajjanti.

41. nāhaṃ bhikkhave sañcetanikānaṃ kammānaṃ katānaṃ upacitānaṃ vyantībhāvaṃ vadāmi. tañca kho diṭṭhe va dhamme upapajje vā apare vā pariyāye. na tvevāhaṃ bhikkhave sañcetanikānaṃ kammānaṃ katānaṃ upacitānaṃ appaṭisaṃviditvā dukkhassa antakiriyaṃ vadāmīti.